

Sperà

Per lu corciu chì pienghje in la so stanza solu
E quella chì si lagna d'avè persu un figliolu
Per quellu chì s'avanza in u neru solu solu
È quella chì in vinochji prega per tutti i soi...

Vogliu cantà issu versu ch'ellu un fussi più solu
Musicà l'universu per issa figliola in dolu
Fà sunà li viulini di e fureste sulenne
Trimà le manduline comè centu tintenne

Ripigliu

(Sperà) à mezu à le timpeste è li guai à francà
(Sperà) ghjè quessu chì ci resta si tuttu si ne và
(Sperà) accende una lumera indè l'oscurità
(Sperà) per alzà la più fiera in tè l'umanità
(Sperà) puru in piena timpesta vogliu sempre cantà
(Sperà) Mancu mare ùn arresta un cantu o un pregà
(Sperà) S'alzanu e so lumere inde l'oscurità
(Sperà) Per scrivi la nuvella per tè l'umanità

Per quellu chì s'infrebba di pinsamenti vani
È quella chì risana millai di malanni
Per quellu avà chì crede cambià issu mondu vanu
Per quella chì s'impreme oghje di u mondu sanu...

Vogliu cantà più forte cà mezu à l'oceanu
Fà sunà le ghitarre, tante cetere anziane
Dà soffiu à milli venti in le pirule umane
Per ritruvà lu u stintu di pigliacci la manu

Ripigliu

Sperà à mezu à le timpeste è li guai à francà
Sperà ghjè quessu chì ci resta si tuttu si ne và
Sperà, accende una lumera indè l'oscurità
Sperà, per alzà la più fiera in tè l'umanità

(Sperà) puru in piena timpesta vogliu sempre cantà

(Sperà) Mancu mare ùn arresta un cantu o un pregà

(Sperà) S'alzanu e so lumere inde l'oscurità

(Sperà) Per scrivi la nuvella per tè l'umanità